

Tuvan - Agape - God's Love Letter Scriptures

Иоанн 15:9 Адамның Меңээ ханы ынаа дег, Мен база силерге ынак мен. Мээң ынакшылымга бүргеткеш амыдыраңар!

Исайя 43:1 Иаковту чаяп каан, Израильди тывылдырып каан Дээрги-Чаяакчы ам мынча деп тур: «Кортпа. Мен сени садып хостап кагдым; Мен сээң адың адап, Бодумче кыйгырдым, сен – Мээңии сен.

Иеремия 1:5 Дээрги-Чаяакчы меңээ Бодунуң сөзүн ажыдып: «Хырын иштинге ботталдырып кааным мурнунда-ла сени билир турдум, иең иштинден үнүп кээриң мурнунда-ла сени ыдыктап аңгылап кагдым, делегейниң чоннарынга медээчи кылдыр салып кагдым» – деп чугаалаан.

Иоанн 15:16 Силер Мени шилип албаан силер, харын бо делегейге чоруур кылдыр база кажан кезээде артар дүжүдүн бээр кылдыр хүлээндирип, силерни Мен Бодум шилип алдым. Ынчан Мээң адым адап, чүнү-даа дилээриңерге, Адам силерге дөгезезин бээр.

3 Иоанн 1:2 Ханы ынак эжим! Сеткил-чүрээниң кадыы дег, мага-бодунуң кадык болуру дээш база бүгү-ле чүүлдерге чедишкинниг болуруң дээш мөргүп тур мен.

Исайя 43:4 Сен Меңээ улуг үнелиг болгаш эргим болганыңда, сеңээ Мен ынак болганымда, сээң орнуңга өске улусту, сээң амы-тының дээш – өске чоннарны берип тур мен.

Иеремия 31:3 Мен аңаа ырактан көстүп келген мен. Мөңге ынакшыл-биле сеңээ ынак болгаш, энерелим сеңээ көргүзер мен!

Осия 11:8 Эфрем, сенден канчап ойталаар мен? Израиль, сени канчап өскелерге бериптер мен? Сени Адма хоорайны дег бак аажылаар мен бе, Цевоеим хоорай-биле кылган чүвемни сеңээ хамаарыштыр кылыр мен бе? Мээң бүгү кээргелим кыптыга берди, бодал-сагыжым өскерлип,

Иоанн 3:16 Аңаа бүзүрзэн кижиги бүрүзү өлбезин, харын мөңге амыдыралдыг болзун дээш, Бурган Бодунуң эр чаңгыс Оглун берипкен. Ооң бо делегейниң улузунга ынакшылы ол хире болган-дыр.

Исайя 49:15,16 «Ие кижиги бодунуң чаш төлүн уттур бе, божуп алган төлүн кээргей бербес бе? Херээжен кижиги уттуптар болза безин, Мен сени утпас мен! 16 Мен сени Бодумнуң адыштарымда шыйып, демдеглек алдым, сээң ханаларың кезээде Мээң сагыжымда.

Исайя 41:13 Мен – Дээрги-Чаяакчы, сээң Бурганың-дыр мен, холундан тудуп алгаш: „Кортпа, Мен сеңээ дузалаар мен“ – деп аазап тур мен.

Матфей 28:20 Силерге Мээң бүгү айтышкыннарымны сагыыр кылдыр оларны өөредиңер. Мен кажан кезээде, бо делегейниң төнчүзүңге чедир силер-биле кады мен».

Иоанн 14:1 «Силерниң чүректериңер муңгарап хөлзевезин! Бурганга бүзүрээриңер дег, Меңээ база бүзүреңер!

Исайя 41:14 Кортпа, курт ышкаш чөгенчиг Иаков, эвээш чоннуг Израиль, Мен сеңээ дузалаар мен! – деп, Дээрги-Чаяакчы, сээң Камгалакчың, Израильдиң ыдыктыг Бурганы медеглээн. –

Исайя 43:2 Суглар кежип турунда, Мен сээң-биле боор мен, хемнер кежип турунда, суг сени хөме албас. От өттүр эртип тургаш, өрттенмес сен, чалбыыш сени чивес.

Ыдыктыг 23:1-6 Дээрги-Чаяакчы – мээң Кадарчым. Мээң хереглээн бүгү чүвем бар. 2 Ол мени оът-сигени хөлбең ногаан шынааларга одарладыр, оожум сугларга чедире бээр, 3 сеткилимге чаа күштү хайырлаар. Ол мени Бодунуң ат-алдары дээш шынныг оруктар-биле эдертип бар чыдар. 4 Дүмбей караңгы шынаа таварты эртип бар чытсымза-даа, айыыл-халаптан кортпас мен – Сен мээң-биле болгай сен, даянгыыжың биле шыкпыыжың мени камгалап, оожургадыр. 5 Дайзыннарым көрүп турда, Сен меңээ дой кылдың, бажымны олива үзү-биле хүндүлөп чаап бердиң, мээң кежиим аяа чык долу-дур! 6 Буян биле энерелиң бүгү чуртталгамда мени үдеп чоруур – Сээң өргээңге кезээде туруп аар мен, Дээрги-Чаяакчы.

Иоанн 14:27 Мен амыр-тайбыңны силерге арттырдым, силерге бээрим амыр-тайбыңым ол-дур. Бо делегейниң бээри дег эвес амыр-тайбыңны Мен силерге берип тур мен. Силерниң чүректериңер хөлзевезин, ол ышкаш кортпаңар.

Филипчилерге 4:7 Ынчан улустуң угаап-билиптер шаандан ажа бээр Бурганның амыр-тайбыңы чүректериңер болгаш угаан-сарыылыңарны Христос Иисусче угланган кылдыр кадагалаар.

чугаалап 3:24 Чүден-даа кортпайн, удуп чыдып аар сен, а удаан уйгуң – тааланчыг боор.

Ыдыктыг 4:8 Тайбың удуп чыдып алгаш, амыр дораан удуп каар мен; Дээрги-Чаяакчы, айыыл чок амыдыраар органы чүгле Сен меңээ бээрдир сен.

Ыдыктыг 32:18 Дээрги-Чаяакчыдан коргар, Ооң энерелинге идегээр улусту Ол карактап-кадагалаар.

Римчилерге 5:2 Бисте ам бар апарган Бурганның авыралынче Христос бисти бүзүрелдиң оруу-биле чедире берген. Ынчангаш Бурганның өндүр-чаагайындан үлүг алыр бис деп идегеливис дээш , өөрүп-байырлап тур бис.

Исайя 55:12 Мээң чонум, өөрүшкүлүг үнүп чоруптар силер, амыр-тайбың-биле силерни салып чорудуптар. Даглар, тейлер силерниң мурнуңарга ырлап хөглээр, хову-шөлде бүгү ыяштар силерге адыш часкаар.

Иоанн 16:22 Силер ам шак-ла ындыг муңгаралга алыскан-дыр силер, ынчалза-даа Мен силерни база катап көрүп каарымга, силерниң

чүрээңер өөрүй бээр, а ол өөрүшкүңерни кым-даа силерден хунаап ап шыдавас.

Лука 12:9 А Менден улус мурнунга ойталаар кижиден Мен база Бурганның төлээлериниң мурнунга ойталаар мен.

Матфей 10:30 А силерниң бажыңар дүгүн безин санап каан болдур ийин!

Исайя 54:10 Даглар-даа туружундан шимчей бээр, тейлер-даа божаңнай бээр, а Мээң энерелим кажан-даа сенден адырылбас, Мээң сээң-биле чарганым эп-найырал керээзи кажан-даа божаңнавас – деп, сени кээргеп турар Дээрги-Чаяакчы чугаалаан. –

Матфей 11:28-30 «Могап турупкан, аар чүьк чүктээн улус дөгере Меңээ келиңер! Мен силерге тамчык-дышты хайырлаар мен. 29 Мээң чагыгларымны бодуңарга хомут дег кеткеш, Менден өөренип алыңар, Мен биче сеткилдиг болгаш чөпшүл чүректиг мен, ынчангаш чуртталгаңарны тамчык-дыш бүргей бээр. 30 Чүге дээрге Мээң чагыгларым хомуду чиик база Мээң чүдүртүр чүьгүм аар эвес».

Соломон 2:10 Эргим эжим мынча деп тур: «Амыраам, туруп келем, чараш-карам, үнүп келем!

Осия 2:14,19,20 «Ынчангаш Мен ону хандыкшыдып, ээн кургаг ховуга эккелгеш, эргеледип чугаалажыр мен. 19 Сени Бодум-биле кезээ мөңгеде дүгеп аар мен, чөптүг-шынныг чорук болгаш шын шииткелди, энерел болгаш ээ-хайыраны илереткеш, сени Бодум-биле дүгеп аар мен. 20 Бердингенимни көргүзүп, сени Бодум-биле дүгеп аар мен, Дээрги-Чаяакчыны билген турар сен.

Exodus 3:14 Бурган Моисейге мынча деп харыылаан: «МЕН ДЭЭРГЕ МЕН-ДИР МЕН. Израиль чонга: „МЕН-ДИР МЕН силерже мени айбылап чорутту“ – деп чугаалаар сен».

Осия 13:4 А Мен – египет черге турган үенден бээр, сээң Дээрги-Чаяакчы Бурганың болгай мен, сен Менден өске Бурган билбес сен, Менден өске Камгалакчы-даа чок.

Иоанн 15:14 Мээң силерге айтышкын кылдыр берген чүүлүмнү сагып чоруур болзуңарза, Мээң эш-өөрүм боор силер».

Ажыдышкын 3:20 Дыңнаңар, Мен эжик артында соктап тур мен. Мээң үнүмнү дыңнааш, эжиин ажыдыптар кижиниң бажыңынче киргеш, ооң-биле кады чемненир мен.